

Bhaibheri re vana Rikukupai

Mwana anodiwa anoitwa muranda



Rakanyorwa ndiani: Edward Hughes
Rakafanidzirwa ne: Byron Unger; Lazarus

Rwakashandurwa na: Tendai Mugova
Rakatorwa na: M. Kerr; Sarah S.


Story 7 of 60

www.M1914.org

Bible for Children, PO Box 3, Winnipeg, MB R3C 2G1 Canada
Mitero: Une mvumo yekutora nyaya iyi kana usinganotengesi chete.


Shona

Isaka akafara zvikuru. Mwanakomana wake Jakobho akanga adzoka kumba. Kunyangwe Esau akanga apika kumuuraya akamufarira. Asi vanakomana vaJakobho vakanga vasingafari, nokuti munin'ina wavo Josefa aifarirwa nababa vake.



1


Vakoma vaJosefa vakatsamwa zvikuru paakanga achivaudza zvaakanga arota.



2


Josefa akati, "Takanga tichisunga zvisote mumunda, chisote changu chikasimuka ndikaona zvisote zvenyu zvichikomba changu, zvakakatama pamberi pechisote changu." Hope idzi dzakareva

kuti Josefa achava mukuru kudarika vakoma vake.




3

Muhope dzaJosefa dzechipiri, zuva, mwedzi pamwe chete nenyeredzi dzakakatama pamberi pake. Baba vake vakatsamwa nokuti Josefa akanga azviremekedza pamberi pevabereki vake nevakoma vake.




4

Rimwe zuva, Jakobho akatuma Josefa kumunda kwanga kuine vakoma vake. Vakoma vake vakamuona achiuya. Vakati, "Ngatiuraye muroti uyu." Josefa haana kuziva zvavakanga vamurongera.




5

Mukomana mukuru Rhubheni haana kubvimirana navo. Akati, "Musadurura ropa. Mukandirei mugomba iri. Regai afire imomo." Rhubheni akanga achida kudzoka manheru kuti abudise Josefa.




6

Josefa achinge asvika, vakoma vake vakatora nguwo yake yemavara mazhinji yaakanga agadzirirwa naJakobho, vachibva vamukanda mugomba rakanga risina chinhu.



7


Mushure mokunge Rhubheni aenda, varume vakanga vari pangamera vachienda kuIjipita vakasvika. Judha akati, "Ngatitengese Josefa."



Vakatengesa Josefa namashekeri ana makumi maviri.

8

Varume ava vakatanga kufamba vachienda naJosefa. Josefa akachema.



9

"Hayisi nguwo yaJosefa here iyi ine ropa? Taiwana murenje." Vanakomana vakanga vaine hutsinye vakaita kuti Jakobho atende kuti Josefa akanga aurayiwa nomhuka yomusango. Jakobho akabvarura nguwo dzake ndokubvaachema, asi hapana akakwanisa kumunyaradza.




10

Zvichida, Josefa ari kuIjipita akanga achida kudzokera kumba. Asi akanga asingakwanise kutiza. Akanga ari mushandi muimba yamamabo wemuIjipita ainzi Potifari. Potifari akaona kuti Josefa aishanda nesimba uye akanga ari munhu akavimbika.




11

Rimwe zuva, Potifari akati kuna Josefa, "Zvose zvaunoita zvinofamba zvakanaka. Mwari anewe. Ndinoda kuti uve mutariri weimba yangu uye kuti uve mutariri mukuru pakati pevamwe vose."



12

Nokuda kwaJosefa, Mwari akaropafadza Potifari nokukohwa kukuru uye nepfuma zhinji. Josefa akanga ari murume aitenda kuna Mwari uye akanga akavimbika. Asi rimwe zuva akawirwa nedambudziko.




13

Mukadzi waPotifari akanga ari munhu anehutsinye. Akakumbira Josefa kuti avate naye. Josefa akaramba nokuti akanga asingadi kutadzira Mwari nokuda kwaPotifari.




14

Mukadzi waPotifari akaedza kumanikidza Josefa, asi akamhanya achitiza. Akabva asara akabata nguwo yaJosefa.



15

Mukadzi waPotifari akati, "Mushandi wenyu anga achida kundirova." Potifari haana kufara nazvo. Zvichida akanga achiziva kuti mukadzi wake akanga achinyepa. Akanga achaita sei?



16

Potifari akaisa Josefa mujeri. Josefa akanga asina kutadza uye haana kutsamwa.



17

Zvichida, akanga achidzidza kuti kunyangwe ari kunzvimbo ipi neipi, akateerera Mwari, Mwari vanomufarira-kungangwe ari mujeri.



18

Mwana anodiwa anoitwa muranda
Nyaya yeshoko raMwari, Bhaiberi
Inowanikwa mu
Mavambo 37, Mavambo 39

"Mazwi enyu anotipa kuchena."
Mapisarema 119:130

Mwari anoziva kuti takaita zvakaipa, zvaanoti zvitema. Mubairo wezvitema ndirwo rufu.

Mwari anotida akatuma mwanakomana wake, Jesu, kuzofira pamuchinjikwa akaripa zvese. **Jesu akamuka** akadzokera kudenga! Uye zvino Mwari anotiregerera zvitema zvedu.

Kana uchida kusiya zvitema, taura izvi kuna Mwari: Mwari ndinotenda kuti Jesu akafira ini akamukazve. Huyai mumoyo wangu, mundiregerere zvitema zvangu, ndive neupenyu hutsva ndigare nemi mazuva namazuva. Ndibatsireyi ndiraramire imi semwana wenyu. Amen. Johani 3:16

Verenga Bhaibheri kuti mutaure neMwari mazuva ese!